



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 9. Infaustus Turcici hujus belli exitus.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

§. IX.

Sæc. XVIII.
A. C. 1737.*Infustus Turcici hujus belli successus.*

Attamen tam operosis molitionibus, tamque copioso armorum apparatu minime respondit belli successus, cujus causa potissimum refundebatur in Fridericum Henricum Comitem de Seckendorff Lutheranae sectae hominem, supremum Cæsarei exercitus Præfectum, qui copias suas contra ac tot victoriis celebratissimus Princeps Eugenius facere consueverat in multa, ut memoravimus, agmina divisit, velut multas simul vulpes capturus. Illuxerat dies duodecima Julii, qua hostilitati datum est initium a Barone de Mollican supremo vigiliarum Præfecto, qui a Belgrado aliisque vicinis propugnaculis copias contraxit, & vallo Lenizensi prope Berniavarum consensu, quadraginta septem Turcas interfecit, duobus vexillis ac centum armentis in prædam cessis: Primo hoc successu animati Belliduces, die decima quarta Julii cum exercitu robore in Turcicas ditiones irrumpunt, & quidem inclutus Baro de Miglio in Servia, trajecta Morava Palanckam & Rasnam Urbes deditione cepit, præfidiariis ad victoris

Sæc. XVIII
A. C. 1737.

ris clementiam confugere compulsi. Postea Josephus Fridericus Saxo-Hilburghusius Princeps superato Sario flumine prope Gradiscam, & Franciscus Paulus de Wallis Transylvanice Gubernator in Valachiam sese effudit, vicinaque oppida transeundo occupavit: denique Moldavam infestandi negotium datum est Ascanio Marchioni Guadagni, qui Clementis XII. Pape Nepos, & ejusdem nominis ex Ordine Carmelitarum Excalceatorum Cardinalis Frater erat, & die vigesima quinta Julii Naissum urbem arte & natura munitissimam sed præsidio destitutam pactis conditionibus subegerat. Hic stetit victoriarum ac fortunæ cursus: quippe Æmilianus Baro de Rochan prope Vacupam in Bosnia ab incolis interceptus, ac trucidatus est, desideratis suorum bis mille quingentis. Stubergius quoque & Herbersteinus Zegdinensem obsidionem solvere, & celeri fuga, totoque pedum studio recedere compulsi, & Princeps Saxo-Hilburghusius in Bosniam a Seckendorffo immissus, ad Bagnalucam, quam obsidebat, a triginta Bosniensium, ac totidem Turcarum millibus invalens, conferto prælio ingentem passus est caedem, cæsis plusquam quadraginta viri gradus Tribunis, & gregariis ferme

Sæc. XVIII.
A. C. 1737.

nongentis : unde amissis octo machinis bellicis, obsidionem solvere decretum est, converso ad occupandum Widdinum consilio; igitur Ludovicus Andreas Comes Kevenhüllerus secundum Danubium procedere iussus, Bassam ad deditionem provocat; brevi tamen experitur, nequaquam in imbellem pavidumque, nec in segniter præparatum imegisse Virum; quippe tam imperterita virtute Bassa hostiles retudit assultus, ut Kevenhüllerus cum suis Radojovacium retrocedere compelleretur. nec tamen ibi tuto consistere poterat; siquidem die vigesima octava Septembris ad Timocum velut in casses in sexdecim Turcarum millia incidit, fuissetque ad internecionem cæsus, nisi Cæsarei ac Saxonici militis virtus viam honestæ ac compositæ fugæ perfregisset, æquato pene cum victoribus decore, & damno; spectato enim paucorum (non plures erant quam sexies mille) adversus tantam hostium multitudinem, numero & fortitudine, Kevenhüllerus in discessu palmam reportabat, graviter de Seckendorffio questus, eoquod hic requisitus laboranti succurrere negligeret, & cum exercitus robore in Servia otiose subsisteret.

Præ-

Sæc. XVIII.

A. C. 1737.

Præterea Joannes Adamus Ban de Pfefferkorn ad Koffavam infausti prælio cæsus est: Eiterhasio autem qui cum triginta tribus cohortibus, viginti turmis ad Unnam in Croatia subsistere jussus erat, pugnandi vince- dique occasio defuit: & Pallavicini octo duntaxat bellicis, & quinque tur- remibus instructus classi Turcicæ im- par, duas belli naves amisit: Doxa- tus vero Naissi Gubernator, qui Ber- nensis Calvinista erat, vix cepta ob- sidione hanc Urbem Turcis tradidit, ac propter præcipitem hanc deditionem Belgradum in quæstionem tractus est: Suscepta quoque Zwornickæ obsidio, sed mox soluta, oppugnantibus Belgra- dum sub tormentorum protectionem confugientibus, demum die secunda Octobris Uliza, Servicæ propugnacu- lum monti impositum a Cæsareis de- ditione ceptum est, Gubernatore Bas- sa ob ignavam illius defensionem capi- te plexo. Ita hoc anno tanti molim- nis ac spei expeditio, nulla neque De- ctorum, neque militum ignavia, sed solius, ut creditum est, Seckendorffii culpa, prope propius in incassum irri- tumque cecidit. Hic enim toto belli tempore multa faciendo, nihil fecit & florentissimum Christianorum exer- citum misere attrivit, quocum tamen

Sæc. XVIII.
A. C. 1737.

Eugenius integram occupasset Thraciam. Eapropter Viennam in custodiam abductus, a Cæsaris alloquio excludebatur: crimini siquidem maxime datum, quod mora studiose quaesita Widdini obsidendi opportunitatem neglexerit, de bobus ad alendos milites destinatis sordidam negotiationem egerit & in qualibet re privatas utilitates suas spectarit, Lotharingæ Ducis nullam rationem habuerit, eo invito vinum Naissi occupatum sibi soli vendicavit, ipsumque Ducem in itinere Widdinum versus luculento exposuerit periculo, exclusis Khevenhillero, & Philippio Belliducibus nonnisi cum Schmettavio & Dicmaro belli senatum habuerit, denique quod florentissimum exercitum in multa agmina dissectum, crebris itineribus otiose, imo & ad perniciem circumductum perdiderit, cum tamen, si limitaneis propugnaculis justo præsidio firmatis, secundum Danubium cum toto exercitu processisset, abs dubio insignem Barbaris plagam intulisset.

§. X.

*Dissidia Papam inter & Hispaniæ
Regem feliciter composita.*

Haud